



VICERREITORÍA DE OFERTA DOCENTE E ESPAZO EUROPEO DE EDUCACIÓN SUPERIOR

Servizo de Axudas e Servizos ao Alumnado
Sección de Bolsas e Axudas ao Alumnado
Pavillón Estudiantil, Campus Universitario Sur
15782 Santiago de Compostela

CONVOCATORIA DE AXUDAS PARA O PAGAMENTO DOS PREZOS PÚBLICOS POR SERVIZOS ACADÉMICOS PARA O ALUMNADO MATRICULADO NO TERCEIRO CICLO

Curso académico 2008/2009

A Universidade de Santiago de Compostela fai pública a convocatoria de bolsas para o pagamento dos prezos públicos por servizos académicos para o alumnado do terceiro ciclo, correspondente ao curso 2008/2009, consonte ás seguintes

BASES

PRIMEIRA. SOLICITANTES

Poderán solicitar estas bolsas as persoas matriculadas no curso académico 2008/2009 na etapa de formación de calquera dos programas de doutoramento da Universidade de Santiago de Compostela, tanto no período de docencia (primeiro ano) como no período de investigación (segundo ano). Quedan excluídas desta convocatoria as persoas que xa acadaran o DEA ou o título de Doutor/a.

SEGUNDA. CONTÍAS

O importe de cada axuda será o equivalente ao aboado polo/a beneficiario/a en concepto de prezos públicos por servizos académicos naqueles cursos, seminarios ou traballos de investigación tutelados de terceiro ciclo nos que tivese formalizado/a a matrícula no momento de resolver as solicitudes, **ata un máximo de 20 créditos no período de docencia e de 12 no período de investigación**, liquidándose segundo os prezos fixados polo Decreto 147/2008, do 10 de xullo, da Consellería de Educación e Ordenación Universitaria para os estudos conducentes á obtención de títulos oficiais no ensino universitario para o curso 2008/2009 (DOG do día 21 de xullo de 2008).

En ningún caso o importe da axuda poderá ser superior ao da liquidación que por prezos públicos fose realizada polos/as solicitantes.

A contía global dos recursos asignados a esta acción será o crédito consignado na aplicación presupostaria **5501.4824.48400** do orzamento de gastos da Universidade de Santiago de Compostela para o ano 2009.

TERCEIRA. SOLICITUDES, LUGAR DE PRESENTACIÓN E PRAZO

- O **impreso de solicitude** estará dispoñible: no Campus de Santiago, na Sección de Bolsas e Axudas ao Alumnado do Servizo de Axudas e Servizos ao Alumnado, (Pavillón Estudiantil-Campus Sur); no Campus de Lugo, na Vicexerencia (Edificio Servizos Administrativos e Biblioteca Intercentros, Campus Universitario), e na páxina web <http://www.usc.es/cptf/>

- **As solicitudes presentaranse** nos Rexistros Xerais da Universidade: o de Santiago, sito no Colexio de San Xerome, s/n, 15782, e o de Lugo, sito na Vicexerencia de Lugo, (Edificio Servizos Administrativos e Biblioteca Intercentros, Campus Universitario), 27002, nos Rexistros Auxiliares das Unidades de Xestión Académica, o do Campus Sur sito no edificio do Pavillón Estudiantil e o do Campus Norte sito no Burgo das Nacións, ou por calquera dos procedementos recollidos no artigo 38.4 da Lei 30/1992, do 26 de novembro, do réxime xurídico das administracións públicas e do procedemento administrativo común.

- O **prazo de presentación** de solicitudes abranguerá desde o día **3 de novembro de 2008 ata o 9 de xaneiro de 2009**.

CUARTA. DOCUMENTACIÓN

Todas as solicitudes deben vir debidamente cubertas e acompañadas da documentación que deseguido se especifica:

- O alumnado español: copia do DNI do/da solicitante e dos membros da familia maiores de 14 anos
- O alumnado estranxeiro comunitario: Copia do NIE do/da solicitante
- O alumnado estranxeiro non comunitario: copia do NIE e do permiso de residencia
- Copia da folla do libro de familia dos/das menores de 14 anos

- e) Documento do banco no que conste os códigos de entidade, oficina, nº de conta e díxito de control. O/A solicitante debe ser titular desa conta.
- f) Certificado de convivencia do Concello no que figuren todos os membros que vivan no domicilio familiar, incluído o/a solicitante.
- g) Xustificante de ingresos obtidos pola unidade familiar no estranxeiro no ano 2007, de ser o caso.
- h) O estudantado estranxeiro deberá presentar certificado de vida laboral referido ao exercicio de 2007.
- i) Nos casos no que o/a solicitante alegue a súa independencia familiar e económica, calquera que sexa o seu estado civil, deberá acreditar de forma fidedigna esta circunstancia, os medios económicos cós que conta e a titularidade ou aluguer do seu domicilio que, para todos os efectos, será o que habite durante o curso académico. De non xustificar suficientemente estes extremos, a solicitude será obxecto de denegación
- j) Xustificación de viuvez, soltería, separación ou divorcio do pai ou da nai do/a solicitante.
- k) Xustificante de orfandade absoluta do/a solicitante.
- l) Xustificante da condición e grao de minusvalía dos/das irmáns/irmás do/a solicitante maiores de 25 anos
- m) Os/as solicitantes que realizaron o primeiro e/ou o segundo ciclo nunha universidade diferente á de Santiago de Compostela deberán presentar:
 - Se os estudos foron cursados nas universidades de A Coruña e Vigo: certificación coa nota media segundo o Protocolo de Colaboración asinado entre a Consellería de Educación e Ordenación Universitaria e as Universidades de Santiago de Compostela, A Coruña e Vigo (DOG do 23 de marzo de 2005), para a valoración de expedientes académicos, no que figure todas as materias cursadas, as súas cualificacións e as convocatorias consumidas.
 - Se os estudos foron cursados nunha universidade fóra da Comunidade Autónoma de Galicia: Certificación Académica Oficial (CAO) de estudos na que figuren todas as materias cursadas, as súas cualificacións e as convocatorias consumidas.
- n) Calquera outra documentación acreditativa de circunstancias persoais que se estime de interese.

A ocultación ou falseamento dos datos declarados implicará a perda da bolsa.

QUINTA. REQUISITOS

1. De carácter xeral:

1. 1. A presente bolsa **non poderá ser disfrutada máis de dous cursos académicos.**

1. 2. **Para que o alumnado estranxeiro, tanto comunitario como non comunitario, poida obter algunha das bolsas convocadas por esta resolución é requisito imprescindible, que o propio alumnado ou os seus sustentadores estiveran traballando en España no ano 2007**, todo isto de acordo co artigo 4. 1. d) do Real decreto 1721/2007, de 21 de decembro, polo que se establece o réxime das bolsas e axudas ao estudo personalizadas, e o artigo 10. 1 da resolución de 2 de xuño de 2008, da Secretaría de Estado de Educación e Formación, pola que se convocan bolsas de carácter xeral e de mobilidade para o curso académico 2008-2009, para alumnado universitario e doutros estudos superiores.

1. 3. Ademais, de conformidade co disposto no artigo 9.3 da Lei orgánica 4/2000, do 11 de xaneiro, sobre Dereitos e Liberdades dos Estranxeiros en España e a súa integración social, na redacción dada pola Lei orgánica 14/2003, do 20 de novembro, o alumnado estranxeiro non comunitario deberá acreditar a súa condición de **residente**, non podendo concorrer ás bolsas convocadas por esta resolución quen se atope en situación de estancia. Así mesmo deberán declarar o nivel da súa titulación académica.

2. De carácter académico:

Terase en conta a nota media simple do expediente académico de 1º e 2º ciclo, é dicir, a nota media obtida considerando exclusivamente as convocatorias efectivamente consumidas e cualificadas con "suspenso, aprobado, notable, sobresaliente, matrícula de honra" ou os seus equivalentes numéricos, segundo o establecido na Resolución reitoral do 19 de abril de 2005, pola que se aplica na USC o Protocolo de Colaboración asinado entre a Consellería de Educación e

Ordenación Universitaria e as Universidades de Santiago de Compostela, A Coruña e Vigo (DOG do 23 de marzo de 2005), para a valoración de expedientes académicos.

Só serán tidas en conta, para o cálculo da nota media, as materias que correspondan a unha única titulación e especialidade.

3. De carácter económico:

Virá dado pola **Renda Persoal Disponible (RPD)** do/da solicitante que é o resultado de dividir a **renda familiar** entre os **membros computables** da unidade familiar.

A **renda familiar** do/a solicitante, determínase de acordo co punto segundo do artigo 12 da Resolución do 6 de maio de 2008, da Secretaría de Estado de Educación e Formación, pola que se convocan bolsas para o alumnado que inicie estudos universitarios no curso 2008-2009 (BOE do día 13): "Sumarase a base imponible xeral coa base imponible do aforro, excluíndose os saldos netos negativos de ganancias e perdas patrimoniais correspondentes a exercicios anteriores a 2007. Deste resultado restarase a cota resultante da autoliquidación."

É dicir, calcúlase da seguinte forma:

- Para rendas con declaración: cuadrículas 450+452-454+457+460-741
- Para rendas sen declaración: ingresos brutos de todo tipo (salarios, rendementos do capital mobiliario, etc.), menos deducións e retencións.

Son membros computables da unidade familiar: os pais e, de ser o caso, o titor ou persoa encargada da garda e protección do menor, quen terán a consideración de sustentadores principais da familia. Tamén serán membros computables o/a solicitante, os/as irmáns/ás solteiros/as menores de vinte e cinco anos e que convivan no domicilio familiar a 31 de decembro de 2007, ou os/as de maior idade, cando se trate de persoas con discapacidade física, psíquica ou sensorial, así como os/as ascendentes dos pais que xustifiquen a súa residencia no mesmo domicilio que os/as anteriores co certificado municipal correspondente.

No caso de divorcio ou separación legal dos pais non se considerará membro computable aquel/a deles que non conviva co/a solicitante da bolsa. Non obstante, de ser o caso, terá a consideración de membro computable e sustentador/a principal, o novo/a cónxuxe ou persoa unida por análoga relación cuxas rendas se incluírán dentro do cómputo da renda familiar.

No suposto de que o/a solicitante sexa maior de idade e se atope en situación de acollemento, terá a consideración de non integrado/a na unidade familiar para estes efectos.

Se o/a solicitante alega a súa independencia familiar e económica, calquera que sexa o seu estado civil, deberá acreditar documentalmente esta circunstancia, os medios económicos cos que conta e a titularidade ou o aluguer do seu domicilio. Para determinar os medios económicos utilizarase como referencia o Indicador Público de Renda de Efectos Múltiples (IPREM), que anualmente aproba o Goberno.

De acordo con este cálculo:

A renda persoal dispoñible **non pode superar os 9.000€**, sendo a equivalencia en puntos:

Con RPD hasta		2.500 €	4 puntos
Entre	2.500,01 € e	3.800 €	3 puntos
Entre	3.800,01 € e	5.050 €	2 puntos
Entre	5.050,01 € e	6.500 €	1,5 puntos
Entre	6.500,01 € e	8.999 €	1 puntos
Con RPD por encima de		9.000 €	0 puntos

Para o cálculo da puntuación final sumaranse os resultados dos requisitos académicos e dos económicos e dividiranse entre dous.

SEXTA: AUTORIZACIÓN PARA OBTEN DATOS DA AXENCIA TRIBUTARIA

A presentación da solicitude para esta convocatoria implicará a autorización á Universidade para obter a través das correspondentes administracións tributarias, os datos necesarios para determinar a renda familiar dos membros computables da familia do/a solicitante, así como aquelas outras informacións acreditativas das situacións persoais alegadas e que estean en poder dalgunha Administración Pública. **Para iso é imprescindible que as solicitudes sexan asinadas por todos os membros computables da familia.**

No caso de que a solicitude sexa formulada por persoas que formen parte de unidades familiares nas que as administracións tributarias non dispoñan de datos, será o/a propio/a solicitante quen deba aportar información fidedigna sobre a situación económica de renda da súa unidade familiar.

Do mesmo modo, si existisen dificultades técnicas que impidan ou dificulten a cesión dos datos por parte das administracións tributarias, requirirase ao/á solicitante a presentación do certificado resumo da declaración anual do imposto sobre a renda das persoas físicas ou o certificado de imputacións, de ser o caso, dos membros computables da súa familia.

SÉTIMA. SELECCIÓN DE SOLICITANTES

A selección de solicitantes será efectuada pola Sección de Bolsas e Axudas ao Alumnado, do Servizo de Axudas e Servizos ao Alumnado, atendendo aos requisitos establecidos na convocatoria. No caso de que o número de solicitudes sexa superior ao dos recursos asignados para esta acción éstas serán ordenadas en función da puntuación final, outorgándose as axudas a quen obtivese maior puntuación ata o esgotamento do crédito dispoñible.

No caso de empate entre dous o máis solicitantes, será dirimente a renda persoal dispoñible máis baixa.

OITAVA. PEDIMENTO DE DATOS, LISTA PROVISIONAL E LISTA DEFINITIVA

Todas as listas e relacións ás que se refire este punto serán publicadas nos taboleiros de anuncios: do Servizo de Axudas e Servizos ao Alumnado, nos das Unidades de Xestión Académica, nos da Reitoría da Universidade de Santiago e do Centro de Posgrao, Terceiro Ciclo e Formación Continua (Casa de Catedráticos-Campus Sur), na Vicerreitoría de Coordinación do Campus de Lugo, así como na páxina web <http://www.usc.es/cptf/>, de acordo co seguinte calendario:

1. Pedimentos de datos e documentación

O día **20 de febreiro de 2009** farase pública a lista co alumnado que ten que achegar os datos e a documentación que a Sección de Bolsas e Axudas ao Alumnado considere necesaria para a resolución da súa solicitude.

O prazo para a subsanación será ata o día 12 de marzo de 2009.

2. Lista provisional de admitidos/as e excluídos/as

A lista provisional de solicitantes admitidos/AS, con indicación da puntuación media final obtida, e de excluídos/as, coa mención da causa de exclusión, será publicada o día **21 de abril de 2009**.

Os/as interesados/as poderán **presentar alegacións, ata o día 4 de maio de 2009**.

3. Lista definitiva

O día **19 de maio de 2009** publicarase a lista definitiva dos/das beneficiarios/as aos/ás que se lle concede a axuda para a matrícula do terceiro ciclo, a lista de agarda para o caso de renuncias e reintegros e a lista de excluídos/as.

Rematados os prazos establecidos nesta convocatoria, consideraranse inadmitidas todas as solicitudes presentadas fóra deles, procedéndose, polo tanto, ao seu arquivo.

NOVENA. PAGAMENTO DAS AXUDAS

A cada beneficiario/a que **ata o día 26 de maio de 2009** non renuncie expresamente á bolsa, aboaráselle o importe delas no número de conta bancaria que fixo constar na solicitude. No caso de presentación de renuncia procederase a adxudicar a bolsa ao/á primeiro/a da lista de agarda.

DÉCIMA. MODIFICACIÓN DA CONCESIÓN

A concesión desta axuda poderá ser modificada no caso de ser concedida a alumnos/as que non reúnan algún ou algúns dos requisitos establecidos ou incorran en ocultación ou falseamento de datos. Neste caso o/a alumno/a deberá reintegrar o importe da axuda.

UNDÉCIMA. OBRIGA DOS/DAS BOLSEIROS/AS

O feito de ser solicitante destas axudas obriga a estar matriculado/a, no presente curso académico, no terceiro ciclo e a ter efectuado o pagamento dos prezos públicos por servizos académicos dos cursos, seminarios e traballos de investigación tutelados correspondentes á matrícula do programa no que foi admitido/a.

DUODÉCIMA. INCOMPATIBILIDADES

Esta bolsa é incompatible con calquera outra axuda, bolsa, etc. que obteña o/a solicitante de calquera administración, entidade pública ou privada, nese caso deberá comunicalo á Sección de Bolsas e Axudas ao Alumnado.

Santiago de Compostela, 23 de setembro de 2008

**O VICERREITOR DE OFERTA DOCENTE E
ESPAZO EUROPEO DE EDUCACIÓN SUPERIOR**

(P.D., R.R. de 31 de xullo de 2007)



Máximo Pló Casasús